



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. Quid per opera legis intelligi velit Apostolus.

urn:nbn:de:hbz:466:1-29452

misereri, nullum opus, iustitiam, meritum hominis, sed solum unicum Christum filium suum. Ideo quia fides assentit, credit huic promissioni, & vult sibi exhiberi gratiam promissam propter Christum, & in nihil aliud respicit, nisi in solam gratiam promissam in Christo, & illam cupit: ob id dicitur, quod fides iustificat, id est, apprehendit promissam gratiam in Christo: hoc enim nullius opus facit. Nam fides oportet praecedat omne opus: quid enim est opus absque fidè? Fides ergo in homine primus actus & opus hominis est, qua promissioni diuinæ creditur, & qua apprehenditur. Summa igitur salutis in hoc dependet, credere & assentire promissis Dei, & non specialia nobis constituere propitiatoria sine voluntate & commissione diuina: Ergo fides credens diuinæ promissioni, iustificat, apprehendit gratiam promissam propter Christum, cum ob id fides dicitur iustificare, propter apprehensionem, non effectuatem.

Per opera legis Apostolus vult intelligi etiam opera ex fide facta, post acceptam iustificationem, ut probet nulla opera omnino, quantumuis bona, iustificare. Nam Galatæ crediderant in Christum, fide iam iustificati erant, & virtutes atq; miracula etiam operabantur, Galat. 3. Et fides quæ operabatur virtutes in vobis, &c. Non ergo opera eorum erant ex viribus carnis antè fidem sine Spiritu Sancto, sed erant opera verè bona in lege precepta ex fide, operate in eis Spiritu Sancto, facta: Et tamen quia paulò post seducti à Pseudapostolis, incipiabant eisdē suis operibus tribuere vim iustificandi effectuam: ideo Paulus vocat eorum opera, opera legis antè fidem aut post fidem à iustificatis facta: iustificant autem, quia iam fides absq; operibus apprehendit gratis misericordiam. Deinde Abrahæ opera fuere præstantissima, obtulit filium suum, Gen. 22. Obediebat Deo, reliquit cognationem & patriam, Gen. 15. Et sic erant opera

pera eius ex fide facta, id est, post fidem, ut nemo quis quam ei comparari operibus suis possit, nedum pre-
ferri. Attamen Apostolus negat Abraham iustifica-
tum ex operibus, Rom. 4. ergo nulla alia opera iu-
stificabunt, nulla igitur opera effectiū iustificant,
neq; antē neque post fidem, sed fides quae assentit &
credit huic promissioni, quod Deus propter filium
vult misereri credenti, illa facit, ut Deus iustum pro-
nunciet peccatorem. In super dicit Apostolus Rom.
3. nos iustificari gratis per gratiam Christi Ex operi-
bus autem iustificari, non est gratis, quia operanti
meritis imputatur secundum debitum, non iuxta
gratian, ut 1. Cor. 1. quod Christus factus est nobis
iapientia à Deo & iustitia, &c. Si ergo Christus est
iustitia nostra, & nos Christum nullo opere, sed fide
apprehendimus: manifestum est, quod fide iustifica-
mūr, non operibus. Ex quo sequitur, quod qui ope-
ribus suis quantumvis bonis iustitiam tribuit, ille o-
pera manuum suarum adorat pro Christo filio Dei,
quae est summa idolatria. Et quod Iacobus 2. cap,
dicit, Abraham operibus iustificatum esse, non potest
intelligi de iustificatione effectiua, sed tantū de iusti-
ficatione declaratiua, quia opera ostendunt & testan-
tur iustificationem esse veram & completam sive cō-
summatam: que si non sequuntur fidem sive iustifica-
tionem, certum est ibi nō esse iustificationem veram.

Dum tribuitur iustificatio fidei, non abiciuntur
bona opera ne siant: obedientia enim legis necessa-
rio exigitur, sed falsa opinio scilicet illa, quod puta-
mus nos nostris operibus posse & velle mereri gra-
tiam, iustificationem & salutem, hic hoc modo, alias
alio, hic ædificio, stipendio largo, alter peregrinatio-
ne, hic suffragijs sanctorum vult saluari, alter sacri-
ficio Missæ vult liberari animas &c. hic per obseruan-
tiam præceptorum Dei Nemo enim ponderat & at-
tendit promissionem illam Dei, quod solūm propter
Christum